



11. juni 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaaterparpunga.

Naalakkersuisunut apeqquteqaatit:

- 1. Kalaallit Nunaannut Kalaallit Nunaanniillu immakkut assartuinerup inerisarnissaanut Naalakkersuisut sunik pilersaaruteqarpat?**
 - a. Immakkut assartuinermut t Royal Arctic Line-p akuersisummik kisermaassinera atorunnaarsinneqarnissaanut Naalakkersuisut pilersaaruteqarpat?
 - b. Kalaallit Nunaata Amerikkallu avannaata akornanni immakkut assartuisarnissap periarfissinneqarnissaanut Naalakkersuisut pilersaaruteqarpat?
- 2. Kalaallit Nunaannut Kalaallit Nunaanniillu suliffeqarfinnut innuttaasunullu immakkut assartuinermut akiliutip akikinnerulersinneqarsinnaanerani Naalakkersuisut qanoq eqqarsaatersuuteqarpat?**
- 3. Naalakkersuisut isumaqarpat, maannakkut immakkut assartuinermut pilersaarut eqaannerpaamik inissisimasoq? Immakkullu assartukkat sukanerpaamik eqaannerpaamillu apuuffissaminnut apuunneqartarlutik?**
 - a. Angallassinermut pilersarusiornermi aningaasat saniatigut suut pingaarnersiunerimi isiginiarneqartarpat?
- 4. Naalakkersuisut oqaluuserisamut soqutiginaatilinnik allanik paasissutissiinnaanerlutik?**

(Inatsisartunut ilaasortaq Karen Marie Kyed Frederiksen, Demokraatit)

Tunngavilersuut

Ilisimaneqareersutut Royal Arctic Line Kalaallit Nunaannut Kalaallit Nunaanniillu immakkut assartuinerimi kisermaassisuvoq. Paasisinnaasattuut, Europamiit Kalaallit Nunaannut immakkut nassiussat Nuummumut umiarsuakkut apuunneqartarput, tassanngaaniillu sinerissap sinneranut nassiussassatut poortorneqaqqittarlutik. Apeqquterujussuuvorlu ilumut tamanna naleqqunnerpaanersoq?

Umiarsuarmik ingerlaarneq allatut aqqissuunneqarsinnaanerluni, umiarsuakkut nassiussat sukanerusumik tikiffissaannut anngunneqarsinnaaniassammata? Naleqqunnerussanerpa umiarsuakkut nassiussat Europakkoortiinnarnagit allatigut ingerlatinneqarpata, soorlu USA-kkut Canadakkulluunniit?

Apeqqutit taakku suliarinerini soqutigalugu atuarsimavara imaqarniliaq: ” Kalaallit Nunaannut, Kalaallit Nunaanniillu assartuinerimi Royal Arctic Linep kisermaassinera atorunnaarsinneqaruni, suliasaqarfimmillu unammilleqatigiissitsisoqaleruni, matumani atorunnaarnerani aningaasatigut kingunissai ilanngullugit,



pingaarnertut misissuineq”¹.

Soqutiginarlippara aammalu taamaattoqassappat, Naalakkersuisut qanoq misissuinerit paasissutissallu, imaqarniliami allassimasut, atussallugit isumaqarfigineraat.

Apeqquteqaatima ullut suliffiusut qulit iluanni akineqarnissaat qilanaaraara.

¹ Kalaallit Nunaannut, Kalaallit Nunaanniillu assartuinerimi Royal Arctic Linep kisermaassinera atorunnaarsinneqaruni, suliassaqarfimmillu unammilleqatigiissitsisoq aleruni, matumani atorunnaarnerani aningaasatigut kingunissai lanngullugit, pingaarnertut misissuineq, 22. oktober 2024